

آبونه شرالطی

داخل، خارجی، هریرایمبون
سنه لکی (۲۵۰)، آلتی آیلنی
(۱۳۰) خروشدور.

نسخه سی ۵ خروش،
سنه لکی ۵۲ نسخه در

اداره خانه

باب عالی جاده سنده دائره مخصوصه
اخطارات

آبونه بدلی پیشدر

مسئله موافق آثار مع المنونیه
قبول اولنور، درج ایدلهین
یازیلر احاده اولونماز

وافقه یهدی من یشاء الی صراط مستقیم

محمد عاکف

اشرف اربیب

اتبعون اهدکم سبیل الرشاد

عدد : ۵۳

۹ ربیع الاخر ۱۳۳۸

بحشنبه

۱ کانون ثانی ۱۲۳۶

جلد ۱۸

الکتابخانه

اخطارات

ادرس تبدیلنده آبرجه بهن
غروش کوندوللیدر

مکتوبلرک امضالری واضح
واوقوناقل اولمی و آبونه سره
نومروستی محوری بولنی
لازمدر

ممالک اجنبیه انجیره آبونه اولانلرک
آدرس لری ناک فرانسه زجه ده یازلمی
رجا اولنور

یاده کوندولدیکی زمانه قیه دائره
اولدی واضحاً بیلدیلمی
رجا اولنور

موعظه

دارالحکمة الاسلامیہ اعضائندہ استاد حکیم فرید ملک افغنیہ
آباصرفیہ کی موعظہ

— ۵ —

أعوذ بالله من الشيطان الرجيم . بسم الله الرحمن الرحيم (يؤتى الحكمة
من يشاء ومن يؤت الحكمة فقد أوتي خيراً كثيراً وما يذكر إلا أولو
الالباب) صدق الله العظيم .

جناب حق فرقان حکیمندہ بویوریورک : (يؤتى الحكمة من يشاء)
الله قوللرندن کیمہ ایسترسہ حکمت احسان ایدر ؟ اونی حکمتلہ مکرم،
منم قیلار . (ومن يؤت الحكمة) کیم قبل سبب حانیدن بویله حکمتلہ
مکرم اولورسنہ ، (فقد اوتی خيراً كثيراً) ایشته اویله اولان آدمہ
الله طرفندن خیر کثیر احسان ایدلمش دیمکدر . (وما يذكر إلا أولو
الالباب) بو آیات ومواعظی ، بو حکمتی تذکر وتفکر ایتمز ؛ الا
عقلی اولان ارباب الالباب ، قفاسنک ایچندہ بیقی اولان آدم تفکر ایدر،
ماعداسی دوشونه من . .

حکمت ندر ؟ الله حکمتی . نورددرک انسانک قلبندہ دماغندہ
تجلی ایدر . حقایق اشیایی کوسترر . حکمتک تعریفی ذاتاً بودر .
استطاعت بشریہ ناک تعلقی درجه سنده حقایق اشیایی آکلامق . بوندن
مقصد ایچنه کومولوب قالمق دکل . وجود صانعہ دلالتی قیلانیدن
آکلامق در . اوندن سوکرہ نه یایه جفز ؟ خالفه رجوع ایدم جکمر .
مقصود بالذات ، اونی بیلیمک . اثر دن مؤثره انتقال . ایشته بویله
اولان کیمسه به خیر کثیر احسان اولوئمش دیمکدر . او آدمک قوای
جسمانیہ وروحانیہ سی بو نور حکمتلہ منور ، معدل بر حاله کلیر .
افراط و تفریطدن ، چاربق چور بوق احوال دن ، نقایص عقلیہ دن تبری
ایدر . قواسنہ سلامت کلیر . الله اعتدال ویرر . هر شینک مزایاسنه
آدام عقلی انفاذ فکر ایدر . استنباط ایدم جکی حقایقہ عامل اولور .
نه طرفدن بر روزگار اسرسه او طرفه دوئمز . اونی قایا کھی هیچ بر
روزگار یرندن اوینا تاماز . افکاری کوزل ، افعالی کوزل ، اقوالی
کوزل اولور . الله حکمتی بو . اوت ، حقایق اشیا او آدمک قلبندہ
تجلی ایدر . نته کیم نامتناهی اولیاء الله ، انبیای ذیشان کلش . اونلرک
قلبلرندہ نیجه نیجه اسرار الهیہ تجلی ایتمز . کرک منظوم ، کرک منثور
برجوق اثرلر براقشیر . بونلر هب حکمتک نتایجی ، آثار مشکوره سیدر .
او کھی حکمتلر بزم قلبمزدہ بر طوطه ماز . طاشک اوستندن صو آقار
کھی کچر کیدر . دیمک که الله انسانه اوقابلیتی ویرملی . یعنی قلبندن،
بوتون اعضا وجوار حندن غشاوه ظلمانیہ بی قالدیرملی . سوکره حکیم
حقیقی اولور .

(حکیم) لفظی اسماء الهیہ دندر . اوندن قطع نظر اصطلاح مخصوص
اوله رقی فلاسفہ یزدہ حکیم دینیور . بر حکمت وارددرک اوکا لسانمزدہ

حکمت طبعیہ دیرلر ، او حکمتده باشقه . کیمیا : اوده باشقه . بری
اجسامک ترکیبیرنه خلل کلک ، دیکری خلل کلیمک شرطیلہ
یکدیگرینه اولان تأثیرات مخصوصه لرندن بحث ایدر . بونلر برر علم در .
عقلی اولان اولوردن ده برشی چقاریر .

بو حکمت نه ایله اولور ؟ باقی نه بویوریور الله : (يؤتى الحكمة
من يشاء ..) اسبابنه توسل لازم . قوللرندن کیمہ ایسترسه ویرر .
فیاضده بخل یوقدر . محله دلا بلیت شرطدر . سن اواستعدادی قازان،
الله سنک قلبگده او نوری اویاندیرر . یوقسه مزور شیلره حکمت
نامی ویروب آغزینہ کلنی سويلک ، امت محمدی اضلاله تصدی ایتک ..
بو حکمت دکل ، عادتا مسخره لاق اولور . عیدر . ادما انصافی اولان
اصلا بو وادی به سلوک ایتمز . بو طاشقینلک صوکی شاشقینلقدرد . البته
بر کون بلاسنی بولور . نته کیم بر پشندہ حضرت مولانا اویله دینیور :

حلم حق کرچه مواساها کند
لیک چون ازخند بگذرد رسوا کند

اللهک حکمتنه پایان یوق . اونی امهال ایدر . او امهالی ده او ،
برشی صانیر . کونک برنده بلاسنی بولور . بونلرک بلاسی عاجل دکلدر .
سر بعض دینسزلری کور رسکمز . ظاهر ایشیلری یوقدر . فقط اونلرک
دماغلرندہ نیجه جهنم قزانلری قاینار . قلبلرندہ نیجه ، غیبار فوران
ایدر . اضطرابندن طیب طیب صیجرار . میخانه میخانه طولاشیر .
س اونلری اویله کورور ، بشوش ، نشوولی ظن ایدرسک . حال بوکه
هیچده اویله دکل . «ان جهنم لمحیطه بالکافین» آیتک ناطق اولدینی
وجهله اونلر بوراده جهنمه کیرمشلردر . جهنم هر طرفدن اونلری
محیطدر . اوله دن جهنم آتشی قلبیرنه دوشر . بونلره بلا مقرر در .
قور تولوش یوق والسلام .

بویله اولان آدملر نه یایملی ؟ قاللردن رجوع ایدوب حق و حقیقی
قبول ایتلی . حقیقه بونلر چوق دونک آدملردر . کفرلرندہ ده بر متانت
یوق . بونلره : «یادین اوله جکسک» صباح حاضر اول جنازه نمازینہ ؛
دیسه لر همان آبدست آلب نماز قیلیمه به باشلاولر . جامعه قوشارلر . دیمک
کفرلرندہ الحادلرندہ ده متانت یوق . زلزله اولور ، تیرتیرتیزه لرلر . موت
اضطراب ... جزم حاصل ایتسه لر جامعه قوشارلر . بویله برمسکده اولان
آدملر یچون اللهک امهالندن طولای متنبه اولمازلر ؟ یچون کیتدکاری فنا
بولدن کری دوئمز لر ؟ چونکه اوله جکلری بیلسه لر محقق دونه جکلر .
ایش بورادیمه کله دن شمیدین اختیاریه دونسه لر داها ای اولمازمی ؟
فقط (وما توفیق الا بالله) سن ایستدیککی طریق مستقیمه تسلیک
ایدم مرسک ، آنجق بن ایدرم ، بویوریور الله . بویله اولمقه برابر دوئمکه
چالیشملی . زیرا صوکی پشیمانلق فائده ویرمز .

مشهور بر حکانه وارددر : بر کاربان بریر قوشمش . اوراده کیمه یله جکلر .
ایچلرندن بریسنی بکھی انتخاب ایدرلر :

— بز یانه جفز . سن بو اشیایی محافظه ایت . خیر سر کلیرسه چاله سنه
میدان ویرمه . بزم خبر ویر .. دییه تنیه ایدرلر .

پك اعلا، مسلمانلرك ياديني كهي ياب . اعتقادلرينه ، عبادتلرينه
اشتراك ايت . تجربه قىلندن اوله رق هيچ دكسه موقت بر زمان ايجون
اولسون ، مسلمانلرك ازينه اقتفا ايت .
موقتاً ترك ايتديك اوواي ضلالت سنك ايجون هر زمان آجيق .
ايسته ديكت وقتينه اورايه كيدم بيليرسك . بر آزده بوجاعته الفت ايت . باقم
نهر كورور ، نه لرطويارسك . سن بوتون اوقاتكي ملازمت كفره حصر
ايدرسك . سنك نظر حقارتله باقديك كيمسه لر اودون دكل آ . بونلركده
منطقي وار ، بونلركده علمي وار ، اما اوته كي ميل و هوا ، اونك ايجون
اوكا تايل زياده اولور .

ومن اخلاص اربعين يوما ظهرت ينابيع الحكمة عن قلبه على لسانه ،
بر انسان قرق كون جناب حقه اخلاص ايله عمل ايلسه قلبنده كي منابع
حكمتدن نبعان ايدن زلال معرفت لسبانندن جاري اولور . كوزل
دوشونوره ، كوزل سويلر . انسان اولور . مجنون لايعل ، ظيرطوب
اولماز . تام معناسيله بر آدم اولور . بن بويله شي ايسته نم .
هاديمك سنده كي قابليت بوكا مانع . جانك ايسترسه قوزوم
بر حكايه وار : دباغته مشغول بر آدم بر كون سوقا قده بايلمش ،
كل صوبي كتروب قوقلا تمشلر . هيچ بر تاثير اجرا ايتمش . داها فنا
اولمش . اورادن برادري كچورمش : دكلاب ويريورسكز . فقط نافله در .
اوكا كوپك ترسي قوقلادك ، در حال عقلي باشه كليز . ديمش . حقيقه
ديديكي كهي يامشلر . آدامغز آيلمش ، عقلي باشه كمش .
حريفت كفر ياته متايل . اونكله آلوده . بوي ايمانندن نه دوهار مشام
جاني طيقا تمش . يا خود بوي كفر ايله الفت ايتمش .
— اي اما اقدم ، سنك ديندار ديدكلرك كنديلري اسكي خرافاه
قايديرمشلر !!

بويله دكل . بو محنده پك يا باقالييرسك . نجه آدملا واردركه سنك بيلد .
يككندن اي بيلور ، سنك كورد يككندن اي كورويور ، سنك دوشونديككندن
اي دوشونيور . آراده بول . . . الله رحمت ايلسون ، مشوي شارحي
شو اقروي مرحوم حياتده اولسه والله مطبخته اودون طاشيردم .
وبوي ده جانه منت بيليردم . اسلامده نجه آدملا كمش . سنك شبه
نامنه قلبكه طولاوردنيك مزخرفاتي سندن اي بيلير . نه كي شيلر
اعتقاد ايله تعارض ايدور ؟ وسوس نه در ؟ هيسني بيلور . اونلرك
منشائي ، موردني تعيين ايدر .

اورو حكا آغى كهي . دو قودنيك اوافكارك ايجنده محبوس قاليرسك .
هر شيك بر منطقي ، هراعتقادك بر حقي واردر . سن متصل افكار
فاسده طوقويورسك . بويله فكرله الله بيليرمي ؟ اصلا بيلنمز . پيغمبر
ايسه هيچ بيلنمز . [نبوت بخي حقتده سويله به جك چوق سوزلر من
واردر . شو الوهيت مسئلهنه دائر كافي درجه ايضاحات ويردكندن
صوكره نبوت بخي نقل كلام ايدم جكز . اصل بخك ركن مهمي
اودر .]

حضرت پيغمبري دوشون . سن ذات رسالتك عظمتني تصور بيله

اوده : — پك اعلا ! دير .

كاربان خلق ياتارلر . كيجه اولور ، يوزلري ، كوزلري اورتولور
بر طاقم خير سزلكلرلر . اللرنده بجاقلر ، بكجي ي تهديد ايدرلر . آدامغز
سيسي چيقارده ماز . كاربانك نه سي وارسه هيسني آشيزلر . كاربان خلق
صباحلين اويانيلر ، برده باقارلركه نه آت قالش ، نه دوه ، نه اشيا .
— كل باقم بكجي ! نه خلط ايتدك سن بوكيجه ؟

— حقيقت ايسته ميدانده . كلديلر ، هر شيني آلوب كيتديلر .

— نه ايجون منع ايتدك ؟

— بن بوتون قدرتمني صرف ايتدم . فقط موفق اوله مادام .

— يكي ، نه به سسلنمديك ؟

— بجاقي كوسترديلر ، تهديد ايتديلر .

— هاي الله مستحقكي ورسون ! بيجون باغيرمادك ؟

— اقدم ، كو كيمه بجاقلري دايديلر . ناصيل باغيره بيليردم ؟

اوزمان باغيروب چاغيرمق ممكن دكلدي . لكن شيمدي امرايديكز ،
ايسته ديككز قدر باغيريم ... ديمش .

ايسته بو آدملا رده صوك دم حياتلرنده باغيرملري بو قيلدنلر .
هر شي وقتنده كرك .

بو حكمت ، شعوري اولور . ذوي العقوله خاصدر . بوتون موجودات
حكيم ازليك حكمت بالغه سنك ايجاباتنه تابعدر . باقكز ، بو دنيا
حكمتله ، موازنه ايله طورسيور . الله اجرام سوايه ايجون محركر تعيين
ايتمش . اوصورتله كه برسي ذره قدر حدودني تجاوز ايتيور . بوفضاي
لايتناهيده لايعد اجرام دور وسير ايدسيور . جاد اولسون ، ذوي العقول
اولسون ، هيسنك وظائفني تعيين ايتمش . بونك كهي انساني ده صاحب
شعور اوله رق يار ايتمش . حكمت موهبهي آكا لايق كورمش . اونكله
انساني شرفلنديريور . امر الهي به مطاوعتده جاددن اشاعي اولمق
لايقميدر ؟ اصلا .

انسان بوتون قواي ماديه ومعنويه سني ماخلق لهنده قوللاقمي .
اوزمان بر كون اول سيام كورديككي ايرتسي كون بياض كورمه به باشلار .
بوتون او عقائد فاسده رك خزان كهي دو كولور . مصفي ، منكي بر
آدم اولور . بونلر نه ايله اولور ؟ هر شيك برسي واردركه اوكا توسل
ايتمه نجه مقصده وصول ممكن اولماز .

— اقدم ، بن قليج اويوني اوينامق ايتدم .

عضلاتكي قويه ايدم جك ، الكك سرعتمني آرتديره جقسك . بونك
بر رياضي واردركه اوني مطلقا يايه جقسك . اوكا تشب ايتدكدن صكره
مقصودكه وصولك امكاني يوقدر .

— بن يوزمك ايتدم ، فقط دكرك ايجنه كيرمه دن .

ناصل اولور ؟ دكزه كيرمه دن يوزمك اوكره بيليرمي ؟ بونك
امكاني وارمي ؟ صويه كير ، چاليش ، جابالا ، اوندن صكره يوزرسك .

— بن مسلمان اوله جم .

ايدم مرسك . سنك تصور كدن ميلار كره ، نامتناهیل قدر يوكسك .
بونی ده سنك عقلك قبول ایتز . چونكه حوصلهك دار . قابك قدر
آله جقسك . فضله قویارسك طاشار .

اسكیدن ادب واردی . هر كسده بونورك سری تجلی ایدردی .
شیمدی ایسه جراتکارانه سوز سويلك وار . اولكه ایچون بو
نورك قلوبه سريانی کوجلشیدی . اونك ایچون سن جناب پیغمبری
کوره مرسك . ذات اقدسك بویوكلکفی تقدیر ایدم مرسك . بوناصیل
اولوز ؟... هب بوجهندن شیطان کیم بیلیر قفا که نه لر صوقار . ایلریده
سویله جکیز . علت غایه عالم ، بوعالمك غایه سی... آه نه عظمتلی موضوع !
نه دقیق ، نه مهم بحث !! پیغمبر اولمازسه بز حق نره دن بیله جکیز ؟
— فلسفه ایله بیلیرز .

والله جالیشمه . هیچ فائده سی یوق ، مه تافیزیق ، صفات الهیهی
تعیین ایدرمش . سنك او طریق ایله اولان ایمانك ، اعتقادك قاج پاره ایدر ؟
بعضلری بك ایلری کیدر : صیت نبوی واصل اولمان یرلرده توحیدك
وجوبنه قائل اولور . بومسئله ده باشقه . هایدی کندی اصولکله الهی
بیلدك ، نه یاه جقسك ؟ هیچ اوندن برخبر ، بر جبریل کلدیمی ؟ برشی
تبلیغ ایتدیمی ؟ هر كسك قلینده بر جرئومه توحید وار دیهلم ، فقط
الله ایله مناسبانه وساطت نبویه ایله کیریشه بیلیر . نبوتك ثبوتندن
صوکر او جرئومه نك ده فائده سی قالماز .

نبی اکرم نه دیبور : « انه لیفان علی قلبی وانی استغفر الله فی کل
یوم سبعین مرة » یعنی « بنم قلبمه رقیق بر پرده کلیر . بن بوندن دولای ،
ربعه کونده یتمش کره استغفار ایدرم بوبشره خاص اولان حالتی ازاله
ایچون یتمش دفعه اللهدن مغفرت دیلرم . بونی پیغمبر سویلور . اللهك
حیی حضرت محمد صلی الله علیه وسلم . شیمدی پیغمبر فیشان بویه
سویلدیکی حالده سن یتمش کونده بر کره استغفار ایتدیمی ؟ صوکرده ده
قلبکده نور آراسك . بو ، طبیق قره ده بالق آلامه به بکزر . تربیه
نفس ایچون باشقه شیلری ناصیل یاییورسهك بونده ده بویه یاه جقسك .
هر شینك بر ادبی ، بر منطقی واردر . اوصورتله جالیشلیرسه
فیض حصولی آنجق او وقت قابل اولور . بوزوق ساز ایله آهنگ
ایدیلر . بر مضراب اوردلیمی ، بر باد بر صدا چیقار . یارقص ایدرسك ،
یا ذکر . قابلیتکده کوره . ظواهر شریعتده بو آلتك ، آلت وجودك
تربیه سی دیمکدر . اوندن ظهور ایدم جک افعالده بو تربیه نك نتایج
ضروریه سیدر . اعتدال کلمی وجوده . مثلا شعار اسلامیه دن اولان
مرحمت حسی ، ملکه سی قلبده آنجق وجود سازینك آهنگی
دوزلد کدن صوکر حاصل اولور . اما سن دییه جکسك که :

— اقدام ، مرحمت ، ضعف عصب نتیجه سی در . بنم اعصاب
قوی . مرحمت نه دیمك ؟ فقرا ، ضعف هبسی کیتلی . نه لزومی وار ؟
اسپنسرک قانونی قبول ایدوز . جمعی نایام وجودلردن تطهیر ایدرز .
بکی اما ، سن بو مرحمتی ایسته میورسك . حال بوکه بونك نه عالی ،
نه قدسی بر حسن اولدیننی بیلسك هیچ بر وقت قلبکدن چیقمه سنه

راضی اولمازسك . اعصابکی او صدای احسا ایدم جک پرده یه قدر
چکمزسك . علوم ، ادبیات ، فن ، هبسی ده بویه . سیکرلرک آقوردینه
تابع . آقورد ده کیشنه بونلرک ماهیتی ده ده کیشیر . ذوق ادبده کیدر .
حسن ادبده زائل اولور . انسان قارتی طولدور ونجه دماغی بوشالیر .
بز نه یاییورز ؟ علاقهك اولمادیك شیدن نه صلاحیتله بحث ایدیورسك .
بحث مهمدر . فقط تفصیله زمان مساعد دکل . آکلایان آکلار .
— بن اتباع ایتمه جکم .

ایسته دیکک یره کیت . نه ایسترسك یاپ . اوسنك نفسکده منحصر .
فقط ادبکی طاقین . عالمه طوقو کمه . بنم اك زیاده کوجه کیدن بودر .
بویه آدمار شعور دنی عاری آدملردر . انسان وجوددی شعور دن
عبارتدر . فکریه مسلکده سالک اولان علمانك ده اعتقادی بودر .
حق اولر : یوتون وجود ، ادرا کدن ، شعور دن عبارتدر ؛ دیرلر .

عکسی حال وجود دکلدر . وجود شعور ایله قائمدر . فقط وجود
حیوانی در که سنده قالماملی . شعور دینی ایله انسان کامل ، انسان حقیقی
اولمه جالیشمالی . یوقسه بعض فیلسوفلرک اعتقادی کی انسان حیوان
در که سنده قالیر . « قارنه زیین » لر حیواناته شعورلری اولمادینی ایچون
ما کینه نظریله باقارلر ایدی . حق بونلردن « مالبرانش » بر کون کوپکینك
قارنه آیاغیله شدتله اورمش ، یاننده بولونانلر اعتراض ایتمشلر .
مالبرانش : « اوما کینه در . آجی دویماز ؟ اوندن کان صدای
اضطراب عکس العمل قیلندندر . دیمش !!

بکا اولیه کلیرکه اعتقاددن ، شعور دینی دن عاری اولانلرکده بو
ما کینه دن فرق یوق . عرفانه ، اذعان ، عقله مستند برشیلری یوق .
هبسی هذیاندن عبارت . ما کینه .

از طبع دیو خاصیت آدمی مجو
نه چاره ؟ شیطاندن انسان خاصیتی بکلتمز . هر کس مظهریتنی اظهار
ایدر . جوهری میدانده قور .
— ماده ، مادیون ...

آغزنده طولاشان هب بو ، حال بوکه ماده ندر بیلیمز . لا وجود ،
عجبا ماده وارمی ؟ بونی کلیاً انکار ایدن وار . تصورات وهمیه دن باشقه
برشی یوق . عوالم دیدیکک فکردن عبارتدر ، صوکره هیچ تقدم
وتاخرده یوقدر ، دیبور . من جهة دوغریدر . علت ، معلولده
قبول ایتیمور . تماقب ضروری وار . هر حادثه یکدیگریك آرقه سندن
کلیر . آرقه ، اولکده یوق . ، زمان ، مکان اورتهدن قالفنجه
بونلرک هبسی برابر یووارلانونب کیدر . بونلر بزم ضروریات عقلیه مزدن
عبارتدر . بواوزون بر بحثدر . بونی خلاصه اولسون سزه آکلانمق
ایچون ساعتلرجه اوغراشمق لازم . حریف دیورکه : دنیا وما فیها
« انا » دن عبارتدر . سن حالا ماده دن بحث ایدیورسك . بنم (انا) مک
تطورات مختلفه سندن عبارت . بوده بر مسلک . اوطوروب اونی ده
اسکات ایتک لازم . بعد نامتناهی یه چیقسه ده ینه نفس ناطقه دائره سندن
ایلری کیده مرسك . سنك بیلدیکک ماده علمی بر علم ایسه بوده بر علم

نه دن تدقیق ایتمه دن بوقدر متعرضانه بر حرکتی التزام ایدیورسک ؟
ایکسفی ده انسان کی محاکمه ایت .
زیرا مابعدالطبیعات امکانی وقوعی قدر حائر قوتدر . یعنی بو
احتمالات حیطة قدرتدن خارج کورونمز . دیورلرکه عوالم اللهسک
(تعیر معذور کورولسون) بر تصورندن عبارتدر . الله بر آند
دنسای ايجاد ایدر ، بر آند محو ایدر . بوقاده عقلک ایرمیور .
(کن !) امری نه دیمک ؟ مناسی ندر ؟ بونی ده بیلدیورسک . نه
کوزل سولش شاهر :

خم وجود هنوز اهتزاز پیمادر

او غنه دن که کلیر کاف ونون خطا بندن

بو مسائلی تدقیق ایدنجه او (کن !) یوقی اونی ده آکلارسک
صوکره . پک اعلا . بو بونک عکسی . الهیونک قبول ایدمجه کی الهی
قبول . دلیلی ؟ سرد اولونمش .

آفتاب آند دلیل افتاب کردلیت بایدازوی رومتاب

کونشک دلیلی نه کونشدر . اگر سن دلیل ایسترسه ک یوزکی
جویرمه . فقط هانکی کوز کورمجه ک ؟

الله اوضح واضحات . هر شیدن بین . کونش کی میداند .
تعمق ایچون کوزیکگی فضلجه توجه ایدرسه ک قاماشدیرر . فضلنه
تحمل ایدمزهسک . تعمیق کنه باری ذاتاً ممکن دکل . حریم سرادقات
ازلیه سه طوفرو ال اوزاتق بزم ایچون ممکن دکل .

اگر کونشه دلیل آراسه ک دلیلی کنیدییدر . باشقه دلیل آرانماز .
آرایه جق اولورسه آدمه دلی دیرلر . ان شاء الله که جه ک درس بوابات
واجب دلائلی ایضاح ایدرز . بحثلر چوق مهمدر . فقط ایضاحنه زمان
مساعددکل . نه چاره ؟ مالایدرك که لایترک که . بوکون بوقدرله اکتفا
ایدم . (اللهم ربنا آتانی الدنيا حسنة وفي الآخرة حسنة وقنا عذاب
النار) صدق العظیم .



مدرسه تشکیلاتی

صوک اون سنه دنبری لسان مطبوعاته شیق صیق دولاشان ویر
چوق مناقشاتی تولید ایدن ، بوسمه لرده زمان زمان تکرار ایدیلان
بو « مدرسه تشکیلاتی ! » ترکیبی در . . .

نوت ؛ عصر حاضر ترقی و تمالی ایستیوردری . بو آرزو ،
هر طرفه « تجدد » جریانلری تولید ایتدی . بو جمله دن
اوله رق مدرسه لیلرده حیات تحصیلیه لرینک ترقیات حاضر مه
توافق ایتدیکنی آکلادیلر . تعقیب ایتمکه اوله قلی اصول تحصیل
وتدریسک پک زیاده اسکیدیکنی و بویکدیشه جهان مدینته محافظه
موجودیت ایدیه مه جکنی اعلان ایدن اشتکا ، فریاد وفغانلرینک آفاق
اسلامی تتره تدیکی معلومدر . . .

جراند یومیه واسبوعیه دن هیچ برینک بو « مدرسه تشکیلاتی ! »
ترکیبی حقنه سرد مطالعات ، بیان ملاحظاتدن بیکانه قالدینی
کوروله مزیدی . صرف بو وظیفه بی ایفا و حقوق علمیه بی مدافعه اوفراند
میدان انتشاره آیلان جریده لر دن بری ده « مدرسه اعتقادلری » ایدی .
مدت موقته ایچون « المدارس » ده بوغایه بی تعقیب ایدمزه ک « مدرسه
اعتقادلری » نه معاونت ایتدی . . .

« تشکیلات مدارس ! » خصوصنده مرجع طائینک نظر دقتی
اودرجه به قدر جلب ایدلمشده کی او آند مقدمات احضار ایدلمکه
باشلادی . بونکه برابر جریده لر صوصدیریه میوردی . نهایت « دوائر
عائده سی اصلاح مدارس خصوصتی نظر دقته آلمش اوله یفنندن فی مابعد
بوکا دائر نشریاتنه بولمامقلمیزی امر ایتشدر . دیه اعلان ایتکه
مجبور ایدلمشدر . . .

بو آند علمیه ؛ مقصدینه ناائل اولمش ، مفکوره لک مبذل حقیقت
اوله جنی آنلرک حلول ایتدیکنه قناعت حاصل ایتشده . . . برده
قارشیلرنده « تشکیلات خیریه » [۱] ی کورنجه انکسار خیاله اوغرایه رق
« علمیه اعدام ایفی کنندی الیه بوینته طاقدی » دیمکه باشلادیلر . . .
عجبا بوکا سبب نه ایدی ؟ . . . نه اوله بیلیردی ! ؟ . . .

نوت ؛ هر هانکی برتجدد بر محافظه کارلق تقابل ایدمجه کی طبیی در .
بوندن بشقه بو « تشکیلات » مدت تحصیل تحدید ، صنفله تقسیم ،
معلم و متعلمینی توزیع و تعیین ایتدی . بر چوق درسعام افندیلر قادرو
خارجنده قالدیلر . بونلرده طبیعیه بوجدددن خوشلانه مدیلر .

برده « تشکیلات خیریه ! » اصول قدیمه جاری اولان و اصول
جدیده نک تطبیقه موجودیتی صارصیلان بر « عادت قدیمه علمیه » به
نهایت ویردی . او عادت ایسه اصول قدیمه ده صاحب حجره افندیلرک
بر قسمی (که اهمیتلری بیکون تشکیل ایدردی !) تأهل ایتمز ، طریق
کسبه سلوک ایتمز ؛ رؤس امتحاننه کیرمز ، کیرمز ! بونلرده
اوقومق ، اوقومتق ، بلله مک ، بلله تمک قابلیتی هان ده سونمش ! وسن
شیخوخته تقرب ایتمش ویا واصل اولمش بونلورلردی ! مذکور حجره لر دن
اولولری چیقینجه به قدر اولولری هیچ بر قوت چیقاره مزیدی ! بونلرده « قدما ! »
نامی ویریلیردی . ایشته « بو حیات قدمايه » خانه چکیلیوردی . زیرا
« تشکیلات خیریه » بونلری ده صنفله تقسیم ایله چالشمغه اجبار
ایدیوردی . بوندن توحش ایدن بو « قدما » آچقده قالان « زمرة
علمایه » التحاق ایلدیلر . . .

برده محیط عثمانی ده پک چوق تصادف ایدیلان برشی وارکه اوده
هر هانکی بریکلک تطبیق ایدیه جکی زمان قابلیت کوزم دلز ! وایکیلک
بردنبره بوتون فقره طایفه اولانجه شدتیه تطبیق ایدیلر ! و بو اوغورده

[۱] مدارسک دور مشروطیتدن اولکی شکله « اصول ویا تشکیلات قدیمه »
دور مشروطیتده قبول ایدیلان شکله « اصول ویا تفکیلات جدید » ، اوچوز
اوتوز سنه سننده کی تشکیلات « تشکیلات خیریه » ، اوچوز اوتوز اوچ سنه سننده کی
شکله « تشکیلات کاطیه » ، شکی حاضر ، مدهده « تفکیلات حاضر »
دیمکدن بشقه چاره تغریق و تمیز بوله مادم .